

أسيرة حبيك

رواية

للكاتبة: ميج جاد الله

تحت إشراف: رعمة نظير دياب
مؤسسة دار افتنان كاتب للنشر والتوزيع

" فاطمه وكريم "

السلام عليكم ورحمة الله وبركاته

البطله: فاطمة عندها ٣٠ سنة بتخبط في ال ٣١ جميلة جدا
بتشتغل مهندسة ديكور في شركة عالمية ومعروفة محبوبة بين
الناس عندها زميل ليها بس خاطب وهيه مش مخطوبة ولا
متجوزة لحد الآن بس أخواتها متجوزين وهيه مرضيتش تتجوز
عشان عايزه تبقي مع أهلها وعندها شرط هنعرفه مع الأحداث

البطل: كريم عنده ٢٣ سنة وجميل جدًا مدير الشركة إني بتشتغل
فيها فاطمة وبشتغل بدل باباه لأن ابوه تعبان وبيتعالج بره
ام فاطمه (سهير): يلا يابت عشان هنتأخري علي شغلك
فاطمه: عادي عادي ياماما بعدين بابا بقي كويس

سهير:ايوا يا حبيبي بقي أحسن من الاول بكتير يلا قومي بقي

فاطمه:حاضر يا جميل تؤمري

راحت فاطمه الشغل سلمت علي زميلها وراحت لمحمد زميلها تسلم

عليه

محمد: اهلا بالكسلانة

فاطمه:معلى اتأخرت النهارده

محمد: أنا هخرج النهارده أنا وخطيبي أجبلها ايه

فاطمه بغيرة:وتجبلها ليه متجبلهاش

وتلاقي السكرتيرة داخلة عليها: مهندس فاطمة أستاذ كريم المدير

عايزك فوق

كانت رايعه تركب الاصانسير بس هيه كانت بتخاف تركبه لوحدها

ومحمد كان عارف كده فركب معاها وظلّعها طلعت وراحت للمدير

خبطت

كريم:اتفضلي

فاطمه دخلت وأول ماشافته . اوبا ايه الجمال والجمدان ده فضلت

سرحانه فيه لحد أما قالها. اتفضلي اقعدى

فاطمه بتوهان. حاضر

كريم: صحيح انتى بقالك عشر سنين معانا هنا فى الشركة

فاطمه: أه أه

كريم: طيب انتى تبقي النائبة بتاعتى لإن النائبة بتاعت بابا مشت

ومحتاج نائبة تكون معانا هنا من زمان فى الشركه فانتي أفضل

واحدة وهتقعدى معايا فى قلب مكتبى لحد ما نعدل المكتب الجديد.

فاطمه: ح ح حاضر

كريم: اتفضلي إملى الإستمارة ديه

فاطمة مسكت الاستمارة كتبت اسمها والسن كتبت ٣١ لإن كمان

شهرين هتكمل ٣١ وملتها كلها ومضت على الشروط

كريم: استغرب إن سنها كبير وقالها اتفضلي هاتي حاجتك وتعالى

هنا

نزلت اخدت حاجتها وكانت طالعة

محمد: رايحه فين

فاطمة بفرحه: هشتغل نائبة المدير وهيعليلي المرتب

محمد بغيرة مكنش عارف ايه مصدرها: وليه بقي إن شاء الله

فاطمة: يلا مع السلامة

في نفس اليوم كان محمد فاسخ خطوبته وقال لفاطمة وهما

مروحين أنا فسخت الخطوبه

فاطمه كانت مبسوطه وانتهزت الفرصه وقالتله: أنا بد

ملحقتش تكمل لأن هوه قاطعها وقالها بس أنا مش بحبك يا

فاطمة أولا انتي كبيرة أوي في السن كبيره اوي وأنا عندي واحد

وعشرين يعني فرق السن عالي وكمان المستويات المادية.....

فضل يتكلم بس هيه مكنتش مركزه غير علي إنها كبيرة في السن
وكانت دموعها علي وشك إنها تنزل بس تماسكت نفسها وقالت
وهيه مخنوقة. وأنا كمان بكرهك جدًا

ومشت وكانت الدنيا ليل وقاعده بتعيط لحد أما جات عربية وكان
فيها ء شباب واحد منهم قال القمر ماشي لوحدده وزعلان ليه
ونزل من العربيه بدأت فاطمة تجري منهم وهيه بتعيط لحد أما
لقت إن مفيش حد بيجري وراها ولقت عربية وقفت وكان فيه حد
بيضرب في الشباب

قربت من العربيه ولقت.....

فاطمة وكريم

الجزء الثاني 

قربت من العربية لقت المدير بتاعها كان بيضربهم كلهم

لف كريم بعد مضربهم :هوه انتي

بصتله فاطمة بحزن :أنا اسفه

كريم:تعالى أما أوصلك

ركبت معاه العربية وطلعت البيت روّحت لقت باباها تعبان راحت
بيه المستشفى ورجعوا الفجر صلت الفجر وعملت الفطار وفطرت

راحت الشركة

سلمت على زمايلها كلهم ومسلمتش على محمد جه يكلمها

فاطمة: ملكش كلام معايا خالص فاهم ولا مش فاهم

محمد: براحتك

فاطمة راحت عشان تركب الاصانسير جه كريم في نفس الوقت
وركب وقفل الاصانسير علي طول معطهاش فرصة تحاول تركب

افتكرت كلامه أن هيه لو اتأخرت هيتخضم من مرتبها

طلعت تجري لحد أما وصلت دخلت وهي بتنهج لفته مش موجود

بعدين دخل اول مادخلت علي طول

راحت قعدت وهوه ناولها كوبايه مايه وقالها: خلصي ال ٢٠ ملف

دول

فاطمة: نعم

كريم: زي ماسمعتي ال ٢٠ ملف دول

فضلت تشتغل وهوه بيراقيبها من بعيد لحد أما لحظت نظراته ليها

بعدين بص في اللاب توب 

بتاعه تاني

فاطمة: أنا خلصت أروح بقي عشان الراحة بتاعتي

كريم:تمم

راحت ولقت محمد جاي عليها بيقولها: عايز أعرف مبتكلميش

معايا ليه

فاطمة: مش أنا قولتك ملكش دعوه بيا وإلا والله العظيم أخلي

أستاذ كريم يعملك خصم ولا يطردك خالص

الكل فجأه بص في أكله ومحمد مشي وهيه حست بحراره جايه من

وراها بصت لقت كريم وراها

فاطمة: أستاذ كريم حضرتك ابن حلال لسه كنا بنجيب في سيرتك

كريم: مسكها من إيدها جامد وطلعها معاه فوق كانت ركبه

الاصانسير وهيه خايفه ومازال ماسك إيدها وفجأة الاصانسير

عطل

فاطمه :ايه ده

كريم: احيه

فاطمه: لأ اوعي يكون إلي في بالي

وبدأت تصرخ حظ ايدہ علي بقها: اسكتي يخربيتك هتفضحيننا

بعد كده رجع اشتغل الاصانسير تاني وهو شال ايدہ اول مادخله

المكتب بدأ يزعلها

كريم: انتي مين سمحك توجهيني أنا מבحبش الطريقة ديه

فاطمه وعنيها مليانه بالدموع: أنا آسفة

طلع كريم وقعد ياخذ نفسه بصعوبه رجع بص عليها لقاها بتعيظ

مكنش عارف ليه هوہ زعلان علي عياطها ده راح دخلها وعطاها

منديل

كريم. أنا آسف معلىش اتعصبت غصباً عني

فاطمه: يا ابتسامه ماشي خلاص مش زعلانه

عدي شهر علي إن هيه بتشتغل وفضلت تحت نظراته

وفي يوم كانوا قاعدين خلصت الشغل وجه وقت الراحه بتاعها

فقالته: هروح اجيب حاجه آكلها أجبك معايا

كريم: ماشي

راحت وجابت الاكل وقعدت عشان تاكل كانت هتتفرج علي

المسلسل اللي بتحبه بس هي بتتكسف تتفرج عليه قدام حد لكن

لقت كريم مشغل المسلسل فقالت له: ايه ده انت بتحب المسلسل

ده.

كريم: ايوا جدا وحرك اللاب توب بتاعه وقالها: تعالي اتفرجي معايا

جات اتفرجت معاه وجات لحظة أما البطل كان هيمسك ايد البطله

بس مامته اتصلت عليه في الوقت ده ووقف المسلسل

فاطمه: ططب أنا هروح أجيب فيه أجبك معايا

كريم عرف إنها هتسيبه يتكلم مع مامته فكبرت في نظرة اوي

وقالها آه لو سمحتي

راحت ورجعت لفته خلص الكلام مع مامته

كريم: نكمل المسلسل

فاطمه افكرت اللقطه فقالتله : لأ لأ خلاص أنا هرّوح

كريم: صحيح إحنا الإسبوعين دول أنا وإنتي مخلصين الشغل لكن

الشركة هتيجي عادي هتيجي بكرة

فاطمه:اه ممكن اجي

كريم: تمام

روّحت البيت وقامت تاني يوم راحت الشغل بس دخلت المكتب

ملقتهوش موجود فاستغلت الفرصة وقعدت تقلده علي الكرسي

بتاعه وهيه بتقول : مش أنا قولت متعمليش متقوليش متخليش

ووهيه بتلعب علي الكرسي وبتلف بيه لمحته واقف قدام الشباك

بتاع المكتب وميّت من الضحك

وهو شافها فعدل نفسه وخبط علي الباب ودخل

فاطمه بابتسامه:ايه ده حضرتك جيت وحضرتك من هنا من أمتي

كريم وهو ماسك ضحكته: من أول ماكنت بتقول متخليش

متعمليش

فاطمه. خدودها إحمّرت من الإحراج

كريم:عادي علي فكره

فاطمه: معلىش أنا آسفه

كريم: عادي عادي

روحت البيت وكانت مبسوطة من إلي حصل جدًا

عدّى إسبوعين ولقته بيتصل عليها بيقولها تعالي بسرعهغ الشركة

بسرعة

فاطمة.....

يتبع

فاطمة وكريم

الجزء ٣ ♥♥

فاطمه: حاضر أنا جايه أهو

راحت الشركة ولقت الشركة فاضيه راحتله المكتب: مالك ياأستاذ

كريم

كريم: إلحقيني فاطمة الشركة فليست وأخدوا الشركة ووأخدوا البيت

وكل حاجه

فاطمة بحيرة: طيب جاتلي فكرة أنا وانت هندور علي شغل في أي

شركة

ولو علي البيت فمتقلقش إحنا عندنا بيت بنأجرة ولحسن حظك إن

هوه فاضي اليومين دول

كريم: إنتي كل مادا وإنتي بتكبري في عيني وبتحلوي

فاطمة:ايه

كريم: وبتحركيني

فاطمة:آه بحركك فين

كريم بتوتر : بتحركيني إني أشتغل وأدور علي شغل

فاطمة: كنت بحسب

وراحوا شركات كتير وكانت منهم شركة كانت موافقه عليهم بس

عندها شرط إن بقيتوا في الشركه هتعدوا ٥ سنين لو جيتي

مخطوبه عادي تتخطبي وتتجوزي عادي

لكن لو وقعتوا العقد وانتوا مش مخطوبين او مش متجوزين مش

هتعرفوا تتخطوا طول ما انتوا ماضين مع الشركه عقد

فاطمة: ازاي ده

كريم:اي شركه بتتطلب كده

فاطمة :طيب هنعمل ايه

كريم :نمثل

فاطمة:نمثل إيه

كريم: نمثل ان احنا مخطوبين

فاطمه بتفكير: مش عارفة

كريم: ده النهارده بس

فاطمة :ماشي بس النهارده بس

عدي اليوم وهوه بقي بيعيش في الشقه إلي فوقهم

بقوا بيروحوا وبييجوا مع بعض لحد أما في يوم طلعت فاطمة وهيه

قاعده في البلكونه ومشغله المسلسل ومسكه كوباية الشاي ،

جات لقطه في المسلسل كانت البطله بتقول للبطل بحبك

وفجأة تسمع صوت حد بيقول عقبالنا ومن خضتها وقعت كوبايه

الشاي ولحقت التليفون قبل مايقع

فاطمة :وهيه بتبص فوق. عجبك كده ياأستاذ كريم إفرض كان

وقع التليفون

كريم: معلىش

فاطمة كانت هتدخل فسألته:هو انت قولت ايه

كريم: عقبالنا

فاطمة: ده ألي هوه ازاي

كريم: هكلم بابا النهاردة

فاطمة بفرحه مخبياها: ماشي

دخلت الأوضه وكانت فرحانه،

جه الليل وكلم أبوها وبعدين دخل قعد معاها وقالها :ها موافقه ولا

ايه

فاطمة بتردد:أنا موافقه بس..

كريم: إيه

فاطمة :بس أنا اكبر منك وانت أكيد مترضيش تتجوز واحده كبيرة

في السن

كريم بحب : مش مشكلة السن المهم الحب حتى سيدنا محمد
(صلى الله عليه وسلم) تزوج السيدة خديجه وهيه كبيرة ولكن كان

مبينهم حب وموده

فاطمة.....

كريم ماشي من الأوضه

فاطمة مسكت في ذراعه. ماشي خلاص موافقه استنى

كريم بابتسامه جميلة. ليه وانتي فكراني مستني ردك أنا كنت طالع

أقولهم حضروا الشربات

فاطمة بضحك: بحبك

ك/ مي جادالله.

فاطمه وكريم

الموسم 2 الجزء 1

عدى إسبوعين وجه وقت الفرحة كانت فاطمة فرحانه أوي ، جت
تنقي فستان الفرحة راحت أم كريم قالت هتلهما الفستان ده ياكريم
حلو ، فاطمة من غير ماتتكلم وفي نفسها أنا راضيه بأي حاجه

جه الفرحة كان كريم وفاطمة أحسن عريس وعروسه

ولكن لسوء حظهم أول ماكتبوا الكتاب ، أبو كريم تعب وقتها

وقرروا ينقلوه المستشفى

الدكتور : إحنا هنعمله العمليه دلوقتي حالا

كريم بحزن : ماشي يادكتور

فاطمه بحزن علي حالة كريم متزعزعلش يا حبيبي إن شاء الله تعالى

كل حاجه هنتحسن

أم كريم بحرقه لحسن جوزها يموت: أقسم بالله العظيم إن أبوك
مقمش بالسلامه لازم تكون مطلقها ومتجوز بنت خالتك يلا

كريم بيبيص لفاطمة بحزن ومش عارف يعمل ايه

فاطمة بصتله بحزن وكانت هتتكلم

أم فاطمة: بس يا فاطمه اسكتي يا بنتي ومتخربيش علي نفسك
عدّي ٣ ساعات ، وطلع الدكتور وهو مبتسم وهو بيقول الحمد لله
العملية نجحت

فاطمه بفرحه :الحمد لله علي كل حال والله العظيم كنت قاعده
أدعيه

كريم: ينفع ندخله دلوقتي يا دكتور

الدكتور: لأ والله مش هينفع دلوقت كمان ساعه ادخلولوا

عدّي ساعه

فاطمه: يلا يا كريم ندخل لابوك

كريم ايوا يلا

أم كريم بدموع: استني ياولا أنا إلي هدخله الأول

دخلت وبصتله كده وهيه بتقول بقي كده يا ابو كريم عايز تسبني

طب والله العظيم أنا كنت أموت بعدك

أبو كريم (محسن): متقوليش كده يام كريم بعد الشر

يدخل كريم وهو بيقول: مخلص بقي لحسن الحب مولعش في

الدرة ده ولع في الأوضه

محسن: احترم نفسك يولا بعدين فين فاطمة الجميله

فاطمة: أنا هنا أهوه ياحمايا الجميل

أم كريم (سعيدة): هه ياحسره حمايا الجميل هأ

محسن: مالك ياسعيده في حاجه

سعيده: لا ولا حاجه ياخويا خليك كده.

روحوا البيت

طلعت سعيدة ومحسن البيت ودخلت فاطمة وكريم وام فاطمة

(سهير)، وابو فاطمة (محمد) دخلوا الشقه

سهير: أنا هروح اعملكو عصير

محمد: طب أنا هقوم اريح في الأوضه شويه

كريم: بقول لك يا فاطمه معني ان ابويا تعب يعني امي وابويا

هيفضلوا قاعدين في الشقه ومش هيسافروا بره مصر معني ذلك

ان أنا وانت هحتاج ان احنا نصبر شويه وقت عقبال ما الاقي

شقه جديده ليا أنا وانت

فاطمة بزعل: يعني ايه

كريم: يعني احنا مش هينفع نتجوز دلوقتي خالص يعني كتب

كتابنا هفضل مكتوب كتابنا وخلص وبالنسبه للشقه أنا بحاول

أدور على شقه قريبه من بيت أهلك

فاطمة: بس يا محمد أنا كنت عايزه أبقى تحتهم على طول انا

قلت لك

كريم: هعمل إيه بس يا فاطمة ما انت عارفه اني ابويا تعبان وانا
كمان اصلا مش عايزه أسيبهم وهيبقى غصب عني يعني نستحمل

أنا وانت شويه

فاطمة: أنا.....، قبل ماتكمل تسمع صوت أمه وهيه بتقول ،

تعالى يا حبيبتي

تطلع فاطمه ويطلع كريم وهو بيقول: يانهار أبيض

فاطمة:

يتبع.....

فاطمة وكريم

الموسم 2 الجزء 2

فاطمة : هيه ديه بنت خالتك

كريم بيهز راسه بمعنى آه

دخلت بنت خالة كريم (سهى)، سلمت على كريم وكانت هتحضنه

كريم: لأ أنا متجوز

فاطمة: يعني لو مكنتش متجوز

كريم بابتسامه علي غيرتها: حتى لو مكنتش متجوز

فاطمة: أهلا يا حبيبتي ومدت إيديها

سلمت عليها سهى بقرف وهيه بتقول ديه مراتك بقي

كريم. آه آه

سهى شالت إيديها من إيد فاطمة وهيه بتقول: طيب تمام يلا يا

خالتو

كان هيدخل كريم مع فاطمه يكملوا كلامهم ، سمع مامته وهيه

بتقول: يلا ياكريم ولا إيه رأيك

كريم بخنقه وهوه بيبيص لفاطمة: لازم اطلع أنا لو مطلعتش

هتخليني أطلقك

فاطمة دخلت قوضتها من غير ماتكلمه وهيه بتعيط

بعد كده تقوم فاطمه تكلم صاحبها (مي) . يامي أنا متضايقه أوي

وعايزه أتكلم معاكي

مي. يلا ياختشي بس قولي لجوزك الأول

فاطمة: ماشي يا حبيبتي

كلمت كريم

كريم: هتخرجي مع مين

فاطمة:مع مي

كريم:طيب ماشي

فاطمة: بتعمل ايه دلوقت

كريم بتردد؛ اا أنا مبعملش

فاطمة: طيب ماشي سلام

تقوم فاطمة وتلبس جيبه سوده وبلوزه بيضه وجاكت اسود

وطرحه بيضه فيها نقط سوده ، وكوتشي ابيض واسود

وهيه خارجه تلاقي كريم مع بنت خالتوه وهمه نازلين

فاطمة: يسلام علي فين كده العزم إن شاء الله

كريم. بتوتر: لأ احنا مش رايعين احنا كنا طالعين أصلا

سهى: ماتقولها هوه مقلكيش ولا ايه

فاطمة: لا والله مقلكيش

سهى بكيد: أقولك أنه هيطلقك اه هيطلقك ويتجوزني أنا وكل ده

عشان بابا يديه الشركات والمصانع بتعتهم تاني وبعد كده

يطلقني

كريم: ايه ده عرفتي كل ده ازاي

فاطمة بدموع وهيه بترمي الدبله في وشه: طلقني ياكريم

كريم: استني بس يا فاطمه

سهى: استني ياكريم

كريم. استني انتي بقي

فاطمة يا فاطمة افتحي الباب

يتبع.....

فاطمة وكريم

الموسم 2 الجزء 3

كريم: استني أنتِ بقى

فاطمة يا فاطمة افتحي الباب

فاطمة قاعدة بتعيط، ورننت عليها مي وفاطمة بتكنسل كل شوية.

نروح لمي اللي قاعدة مستنية فاطمة على البحر وتتصل عليها

ومتردش وتكنسل عليها

مي: افتحي يا بت طب والله العظيم إن ما فتحتي لأكون...

ومكملتش كلامها ولقيت كريم بيتصل عليها ويقول: الحقيني يا

مي فاطمة قافلة عليها ومش راضية تفتح.

مي: طب استنى أنا جاية لك

تروح مي وتلاقيه قاعد على الباب وتقوله: مالك عامل زي الست
المطلقة كده ليه؟

كريم: هحكىك على كل حاجة، وحاولي تصلحيني عليها

مي: اتفضل

كريم حكى كل حاجة

مي: نهار أبيض عليك!

ابعد أما ادخلها

دخلت لفاطمة

مي: بت يا فاطمة! افتحي الباب أنا مي يا بت

فاطمة: أكيد هو واقف قدام الباب معاك

مي: لا والله العظيم مش واقف معايا

فاطمة بتفتح الباب وهي بتعيط وتترمي في حزن مي وهي بتقول

هيتجوز عليا يا مي

مي: اهدي بس يا حبيبتي

فاطمة بعياط أكثر: المشكلة إني بحبه، ولو طلقني مش عارفة

هقدر أتخطاه ولا لأ وما زالت بتعيط

يدخل كريم وهو بيقول: أنا كمان بحبك أنا آسف يا فاطمة

سامحيني الفلوس عمّتي أنا آسف

فاطمة بتبصله وهي بتمسح دموعها وتترمي في حضنه وهي

بتقوله: متعملش كده تاني فاهم

كريم بضحك على منظرها: حاضر يا بطتي

مي: احم احم طب عن إذّكم أنا بقى

كريم: طب اقعدى شوية

مي: لا والله مش هقدر عن إذّكم

بعد ما مي مشيت

فاطمة: أومال هنعمل فرحنا امتى؟

كريم: بكرة يا بطتي

فاطمة بفرحة: بجد بكرة

كريم: أها

فاطمة: طيب هروح أحضر نفسي يا أحلى كريم

تدخل فاطمة وكريم يروح يحجز الفرحة ويقول لأمه إن الفرحة بكرة

أم كريم (سعيدة): يعني إيه يا ولد إزاي متخدش رأينا

كريم: أصل يا ماما...

ميكملش ويلقي أبوه محسن بيقول: هو كبر خلاص يا سعيدة، وبص

لكريم وهو بيقوله روح يا بني يا رب يسهلك الأمور

كريم حزن أبوه وباس إيداه وإيد أمه ونزل لفاطمة بيخبط على الباب

فاطمة تفتح

كريم: نهار أبيض إيه ده!

فاطمة: استنى بس هفهمك

كريم.....

يتبع

فاطمة وكريم

الموسم 2 الجزى 4

فاطمة: استنى بس هفهمك

كريم: اتفضلى

فاطمة: كان فى وصفة على النت بتقول حطى شوية كريم وزيت على شعرك واكويهم بالمكوى، وطلع شعر البنت حرير كده وناعم

كريم: أومال انتِ طالع معاكِ أمنا الغولة ليه؟

فاطمة بتخبطه: بس يا كريم هروح أغسله أهو، صحيح أنتِ كنت

عايز إيه؟

كريم: كنت عايز أقولك واحنا على الكوشة مترقصيش مع ابن

عمك وإلا والله العظيم لتكوني طا....

ملحش يكمل؛ لأنه اتلقى إيدها اتحتت على بقه وهي بتقوله:

متقولهاش علشان خاطري

بصلها كريم وهو بيثيل إيدها وبيقول: فاكرة يوم ما عملت كده في

الأصانصير في شركتي القديمة!

حست فاطمة بالإحراج وخدودها احمرت

كريم: أحلى حاجة فيك أما خدودك تحمر كده

جه تاني يوم في الفرح

كانت فاطمة لابسة فستان أبيض ماسك من عند خصرها شوية

ونازل منفوش من تحت وكعب أبيض يلفت الأنظار وطرحة بيضة

عليها تاج سمبل جدًا، يبجي كريم ياخدها وهو كان لابس بنطلون

أسود وقميص أبيض وجاكت أسود

كريم: أومال إيه القمر ده!

فاطمة: خلاص بقى متخرجنيش

كريم: أحبك كده

ويجي وقت الرقص وكل الشباب والعريس كانوا بيرقصوا في

جنب

والعروسة وأصحابها كانوا بيرقصوا في جنب

ويجي ابن عم فاطمة (حسن) عشان يرقص مع فاطمة

حسن: أومال عروستنا الحلوة مبترقصش معنا ليه

فاطمة: جوزي قالي إني مرقصش معاك يا حسن، وأنا مقدرش

أنزل كلمته

يجي كريم وهو بيسمع كل كلامها ويقوم آخذ حسن وضربه بالقلم

وقاله اطلع برا فرحي ومتبوظوش

يبص كريم لفاطمة ويشيلها ويرقصوا سلوه

كريم: بحبك

فاطمة: بحبك أكثر

يتبع.....

فاطمة وكريم

الموسم 2 الجزء 5

عدى أسبوع على جوازهم

فاطمة: بقولك يا حبيبي أنا عايزة أروح عند أهلي شوية

كريم: وأنا مش مكفيكي ولا إيه يا حبيبتني!

فاطمة: لأ والله بس هم وحشوني أوي

كريم: حاضر يا حب العمر أنتِ تؤمري بس

راحوا عند أهل فاطمة

أم فاطمة (سهير): أهلا يا حبيبتني نورتِ، بقى كده أسبوع تغيبني

عني مش حرام عليكِ بقى!

محمد أبو فاطمة: جرى إيه يا سهير هي بنتك لوحدك ولا إيه!

هاتِ أما أحضن بنتي

وسلموا عليها وعلى جوزها كريم

طلع كريم وأخذ مراته ودخلوا عند أهله سلموا عليهم ولقى عندهم

سهى بنت خالة كريم

كريم: أنا قلبي مش مطمئن

فاطمة: بقولك إيه يا كريم نزلني علشان أنا بتضايق أما بشوفها

كانوا هينزلوا؛ لكن سعاد (أم كريم): استنى يا كريم أنت ومراتك

مش تبارك لبنت خالتك أصلها اتخطبت

كريم: دي تتخطب!

فاطمة ضربته وقالت: ألف ألف مبارك يا حبيبتي

سهى: حبيبتي الله يبارك فيك

نزل كريم عشان يجيب لوالده العلاج، وكانت قاعدة سعاد وسهى

في الأوضة سايبين محسن أبو كريم وفاطمة قاعدين بيتكلموا

سعاد: بقولك إيه يا بنت يا سهى!

أنا عايزة كريم يطلق البنت دي خلاص أنا مش طايقاها

سهى: جاتلي فكرة

سعاد: إيه يا بنت؟

سهى: أنا عندي واحد زميلي جميل أوي وبتاع بنات وكده، ويعرف

يخترق التليفونات، هنكتب رقمه عندها ونخلي كريم يشك فيها

ويطلقها

سعاد: يخربيتك دا أنتِ الشيطان يتعلم منك

سهى: المهم أنا عايزة تليفونها

سعاد: سيبها عليا

طلعت لفاطمة وقالت: فاطمة ممكن تليفونك يا حبيبتي؟ عشان

عايزة أعمل مكالمة مهمة

فاطمة: اتفضلي طبعًا

سعاد: شكرًا يا حبيبتي

دخلت سعاد لسهى: خدي يا بنت يا سهى بسرعة

دخلت سهى الرقم وكتبته حبي وعشقي

وعملت شات على التليفون بينها وبينه، وفيه حاجات وحشة

جدًا

وسهى كلمت الولد (عز) وقالتله: يا عز أنت معاك كل حاجة حتى
صورها عندك، فبرك الصور عندك بقى وأنت بتفهم في التكنولوجيا

أكثر

عز: بس ده هيكلفك كتير

سهى: هديك اللي أنت عايزه

سعاد: يلا بسرعة يا سهى

سهى: خدي الفون أهو

تطلع سعاد الفون لفاطمة: معلىش يا حبيبتي اتأخرت عليك

فاطمة: لا والله عادي بس أنا همشي دلوقت

سعاد: مع السلامة

روحت فاطمة وكريم البيت

كريم ما تعملينا أكلة بإيدك الحلوة دي أحسن أنا جعان جدًا

فاطمة: من عنيا يا حبيبي

يرن الفون بتاعها كل شوية

كريم: حد بيتصل عليك يا حبيبي

فاطمة: افتح يا كريم إيدي مش فاضية

كريم: حاضر يا قلب كريم

يمسك كريم الفون ويتلاقي مكتوب عليه حبي وعشقي

فاطمة: مين يا حبيبي

كريم.....

يتبع.....

فاطمة وكريم

الموسم 2 الجزى 6

فاطمة: مين يا حبيبي

كريم حط التيليفون في وشها وهو بيقول: مين ده يا ست هانم

فاطمة: رقم غريب

كريم: لا والله! ومسمية الرقم الغريب حبي!

فاطمة: صدقني يا كريم أنا معرفش الرقم ده

كريم. افتح الشاتات وهي اللي هتحدد أنتِ صادقة ولا لأ

مسكت فاطمة الفون وقالت لو مفيش حاجة يبقى بحساب يا

كريم

كريم: نشوف بس!

فتحت الشاتات ولقيت إن بينها وبين الرقم ده كلام

فاطمة: إزاي ده إزاي؟

كريم: وريني، بدأ يقرأ الكلام

فاطمة: صدقني ياكريم....

قبل ما تكمل اتلقت قلم نازل على وشها من كريم وهو بيقول
روحي وأنت..

فاطمة: لأجج متقولهاش متقولهاش علشان خاطري لحد أما
تعرف الحقيقة علشان خاطري

كريم: طب امشي من قدامي امشي، وبدأ يكسر في الدنيا من
عصبيته

دخلت فاطمة تلم هدومها وهي بتعيط، وطلعت علشان تمشي

فاطمة: هتوصلني ياكريم؟

كريم مبيردش عليها وقاعد على الكرسي سرحان

فاطمة: كريم يا كريم!

كريم بغضب وصوت عالي: امشي يا فاطمة بدل ما أفتح دماغك

امشي

فاطمة مشت وقاعدة تعيط، اتصلت على صاحبها مي

مي: ألوا

فاطمة بعياط: الحقيني يا مي! أنا كنت هطلق

مي: نهار أبيض! طب روعي بيت أهلك وأنا جايلك أهو

فاطمة: ماشي، وكملت عياط

مي: بظلي عياط بقي أنا جاية أهو

بعد ما قفلت معاها، مي: حسبني الله ونعم الوكيل فيك يا كريم أنت

وفاطمة هتخلوني أولع فيكم أنا عايزة أكمل أكلي

راحت مي لفاطمة، فاطمة اترمت في حضن مي وهي بتقول مش

مصدقني يا مي مش مصدقني (عياط)

مي: وريني الشات والمكالمات كده

فاطمة: خدي شوفي

مي: احنا كده محتاجين نستعين بصديق

فاطمة: مين

مي: ريم كهربا

فاطمة بعوجة بق: مين ياختي؟

مي: ريم كهربا يا بنت، دي واحدة صاحبتني جامدة أوي في التكنو

فاطمة: إيه التكنو دي بقى إن شاء الله تعالى؟

مي: يعني تكنولوجيا يا حجة

فاطمة: ودي هتعرف تعمل حاجة؟

مي: عيب عليك إن شاء الله هتشقلب الجهاز

فاطمة: طب اتصلي عليها يلا

مي: مش معايا رصيد

فاطمة: امسك اتصلي من فوني وخلصي

مي: ما براحة!

اتصلت مي على ريم

ريم: ألو من معايا؟

مي: إيه يا كهربا أنا مي يا بنت

ريم: أهلا يا أبو الصحاب أنت فين كده ومالك في حاجة؟

حكمتها مي على كل حاجة

ريم: طيب ابعث اللوكشن كده!

مي: من عنيا

جت ريم كهربا

مي: أهلا أهلا تعالي بقى فاطمة هتفهمك كل حاجة

فاطمة فهمتها كل حاجة

ريم: طب ده سهل أوي وريني تيليفونك كده

فاطمة: اتفضلي

ريم: حضرتك تيليفونك ده متهكر وبعدين الرقم ده مش أصلي،

وكل ده شغل ناس تس لا مؤاخذة

مي: بصراحة يا كهربيا مش كده

ريم: ما هي كمان مش مساعدانا كل أما أسألها على حاجة تقعد

تعيط

مي: براحة عليها

فاطمة: طب هنعمل إيه دلوقت عشان كريم يصدقني؟

هل كريم هيصدقها!؟

يتبع...

ك مي جاد الله

فاطمة وكريم

الموسم 2 الجزى 7

فاطمة: طب هنعمل إيه عشان يصدقني؟

مي: تروحي وتوجيهه بالحقيقة قدام أمه

ريم: أيو صح ولو أنكرت الحقيقية تبقى هي ورا كل ده

فاطمة: متأكدين؟

مي وريم في نفس واحد: عيب عليك يا أبو الصحاب

راحت فاطمة ولقيت كريم عند أهله، بدأت تحكيه، ومي وريم

شاهدين معاها

سعاد: لأ يا ابني متصدقهاش دي حراية دي عايزة تاخد فلوسك،

عايزاك متجوزش بنت خالتك سهى، أنا قولتلك من الأول يا ابني

متجوزهاش دي مش كويسة

كريم بعصبية وصوت عالي وصل للجيران: ما خلاص بقى
هتفضلوا كل شوية تحدفوني لبعض أنا ماشي ومش راجع إن شاء
الله تعالى غير لما ألقى الحقيقة

راح كريم ومسك فون فاطمة وقالها مش عايز أشوفك هنا انزلي
عند أهلك وإلا والله إن فتحت بك لتكوني طالق!

فاطمة نزلت جري، ومي وريم وراها

كريم راح وطلع الرقم واتصل على معاذ وقله تعالى في المكان ده
راح معاذ وراح كريم لمعاذ، وبدأ كريم يضرب فيه وهو بيقول بقى
أنت يا ابن ال... تعمل كده مع مراتي!!

معاذ: استنى بس هفهمك... آه (صوت وجعه من الضرب)

كريم: هتقول الحقيقة ولا أولع فيك!

معاذ: والله العظيم هقول على كل حاجة

بدأ معاذ يحكيه، عرف كريم إن فاطمة مظلومة، ومسك كريم حبل
وربط معاذ ووداه القسم عشان يسجنوه بسبب اللي بيعمله في
بنات الناس

روح كريم وهو في عينيه الشر، دخل على أمه وهو يقول: ليه يا
أمي تخربي بيت ابنك؟ ليه؟ ليه يا أمي؟ كل ده عشان الفلوس؟
ما تولع الفلوس

وبص لأمه وقالها أنا هعيش لوحدي ولو سمحت يا أمي أنا عايز
ابقى معاها ومش هبقي مع اللي أنت بتحبيها
وبص لسهي وقالها: أقسم بالله العظيم إن رجلك خطت البيت ده
تاني لتكوني دخلاه في السجن

وسابهم ونزل لفاطمة واعتذر لها وباس رأسها وقالها: حقك عليا
والله العظيم، بعد كده هصدقك، أنا اسف سمحيني
فاطمة وهي بتمسح دموعها: أنا مسمحاك والله العظيم؛ لأنني
بحبك

مي وريم: طب نستأذن بقي

كريم مسك إيد فاطمة وأخذها وداها على البحر، وكان في طريق

فيه ورد وشموع وعصير وعشا جميل

فاطمة: كل ده عشاني؟

كريم: لو كنت أعرف أعمل أكثر من كده كنت عملت وبدأوا

يرقصوا سلو

فاطمة: فاكر يوم فرحننا؟!

كريم بحب: هو ده يتنسي!

فاطمة: بحبك

ما أقول لك عن حبي

ولكنه في قلبي لك □□□

گ. مي جاد الله

تمت.

أسيرة حبك

كنت كالطير المر في يحلن في عنان السماء،
يحلن هنا وهناك بكل رقة وجمال،
ولكن عندما رايتك وقعت أسيرة حبك يا
حبيب قلبي.

لزيارت
أسماء
جمعة



للكتابة: محي جاد الله

افتنان كاتب